



Broj: 01-02-5429/24/1
Ilidža, 26. 07. 2024. godine

- **OPĆINSKI NAČELNIK**

PREDMET: Inicijativa vijećnice, dostavlja se

Na 28. redovnoj sjednici Općinskog vijeća Ilidža održanoj dana 26. 07. 2024. godine, vijećnica **Azra Jahić** pokrenula je u pisanoj formi sljedeću inicijativu:

"Klub vijećnika Naše stranke pokreće inicijativu da Općina Ilidža od naredne, 2025. godine implementira pronatalitetnu mjeru koja podrazumijeva kontinuiranu novčanu pomoć porodicama sa troje i više djece (Porodice 3+) na području općine Ilidža, a koja će se isplaćivati jednokratno u mjesečnom iznosu 30 KM za svako dijete iz ovih porodica, do napunjene njihove 18. godine, odnosno 27. godine tokom redovnog studiranja.

Na godišnjem nivou, jednokratna godišnja naknada će iznositi 360,00 KM po djetetu (za troje djece 1.080,00 KM, za četvero 1.440,00 KM, za petero 1.800,00 KM, za šestero 2.160,00 KM, ...)

Sa tim ciljem podnosimo zahtjev prema sljedećim općinskim službama:

- da Služba za socijalna pitanja, zdravstvo, izbjeglice i raseljena lica napravi analizu očekivanog broja porodica sa troje i više djece (Porodice 3+) u narednoj godini na području općine Ilidža,
- da Služba za finansije na osnovu analize očekivanog broja porodica sa troje i više djece izvrši procjenu potrebnih finansijskih sredstava za provođenje predložene pronatalitetne mjere

Predlažemo da se analiza broja porodica sa troje ili više djece napravi uz korištenje selektivnog parametra "primanja po članu domaćinstva" sa sljedećim rasterom:

- manja od utvrđene minimalne plate u Federaciji BiH za 2024. godinu
- manja od 700,00 KM
- između 700,00 i 1000,00 KM
- veća od 1.000,00 KM

Molimo da nadležne službe adresirane ovom inicijativom analizu očekivanog broja „Porodica 3+“ u 2025. godini i proračun potrebnih finansijskih sredstava za implementaciju ove pronatalitetne mjere naprave u narednih 30 dana, a najkasnije do održavanja naredne sjednice Općinskog vijeća Ilidža.

Rezultati ove analize biće ulazni podaci koji će biti relevantni za utvrđivanje finalnog prijedloga Odluke o jednokratnoj novčanoj pomoći porodicama sa troje i više djece na području Općine Ilidža koju treba usvojiti Općinsko vijeće (prije usvajanja Budžeta Općine Ilidža za 2025. godinu), a kojom će biti definirani uslovi ostvarivanja prava na ovu naknadu (starosna dob djece, maksimalna primanja po članu domaćinstva i drugo).

Kao Klub vijećnika Naše stranke u Općinskom vijeću Ilidža, iskazujemo spremnost za aktivno sudjelovanje u kreiranju ove odluke.



Zatim u Budžetu Općine Ilidža za 2025. godinu utvrditi novi ekonomski kod – Tekući transfer za pronatalitetne mjere, na kojem bi se planirala procijenjena finansijska sredstva za dodjelu jednokratne novčane pomoći po osnovu usvojene odluke.

Vjerujemo da će ova inicijativa biti usvojena i brzo realizirana, jer smatramo da Općina Ilidža, koja stremi u svemu biti pozitivan primjer, neće propustiti priliku da iduće godine bude i pozitivan primjer lokalne zajednice koja daje veliki značaj višečlanim porodicama i sistemski podržava natalitet."

Molimo vas da nam odgovor na pokrenutu inicijativu dostavite u što kraćem roku u pisanoj formi kako bi isti dostavili vijećnicima u materijalu za narednu sjednicu



**PO OVLAŠTENJU OPĆINSKOG NAČELNIKA
STRUČNI SAVJETNIK**

Sabina Porović, dipl. politolog

DOSTAVLJENO:

1. Naslovu
2. a/a

Mfle
08-08-2024